



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-02-35- 3352 /23

Datum: 03.2.2023. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 9. Zakona o naučnoistraživačkoj djelatnosti („Službene novine Kantona Sarajevo“, broj: 26/16) i člana 3. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe („Službene novine Kantona Sarajevo“, broj: 18/20), ministrica za nauku, visoko obrazovanje i mlade Kantona Sarajevo, d o n o s i

RJEŠENJE

o imenovanju Ekspertne radne grupe za izradu prednacrt dokumenta „Strategija za razvoj nauke“ Kantona Sarajevo

I

U cilju ostvarivanja strateških ciljeva, definiranja smjernica i prioriteta naučnog i tehnološkog razvoja Kantona Sarajevo i Bosne i Hercegovine, odnosno ostvarivanja posebnog interesa u naučnoistraživačkoj djelatnosti imenuje se Ekspertna radna grupa za izradu prednacrt dokumenta „Strategije za razvoj nauke Kantona Sarajevo“ (u daljem tekstu: Radna grupa) u navedenom sastavu:

1. Prof. dr. Naris Pojskić, Institut za genetičko inženjerstvo i biotehnologiju Univerziteta u Sarajevu, predsjednik,
2. Prof. dr. Maida Čohodar-Husić, Mašinski fakultet Univerziteta u Sarajevu, članica,
3. Prof. dr. Adnan Efendić, Ekonomski fakultet Univerziteta u Sarajevu, član,
4. Prof. dr. Anja Haverić, Institut za genetičko inženjerstvo i biotehnologiju Univerziteta u Sarajevu, članica,
5. Prof. dr. Muhamed Hadžiabdić, Internacionalni univerzitet u Sarajevu, član,
6. Mr. sci. Nina Begović, Služba za naučnoistraživački rad Univerziteta u Sarajevu, članica i
7. Mr. sci. Azemina Njuhović, Ministarstvo za nauku, visoko obrazovanje i mlade Kantona Sarajevo, pomoćnica ministrice za nauku.

Administrativno-tehničke poslove obavljat će Mr. Marina Cicović, ispred Ministarstva za nauku, visoko obrazovanje i mlade Kantona Sarajevo.

II

Zadatak Ekspertne radne grupe iz tačke I ovog rješenja je da: donese poslovnik o radu; utvrdi osnovne principe, ciljeve i prioritete naučnog i tehnološkog razvoja sa posebnim osvrtom na:

- a) Smjernice za pripremu strateškog dokumenta „Strategija razvoja nauke“ KS ciljeve koji se u ovoj oblasti žele dostići na nivou KS (uraditi analizu dokumenata);
- b) naučna područja i uže naučne oblasti koje treba posebno razvijati i materijalno podržavati radi dostizanja ciljeva u razvoju Kantona i Bosne i Hercegovine (definisati);
- c) prioritetne potrebe u naučnoistraživačkoj djelatnosti i prioriteti ulaganja u naučnoistraživačke i istraživačko-razvojne projekte u narednom petogodišnjem periodu (definisati);



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-029
Web: <http://mon.ks.gov.ba>, E-mail: info@mon.ks.gov.ba

- d) definiranje časopisa i publikacija čije je izdavanje od posebnog interesa za Kanton;
- e) otvorenost naučnoistraživačke infrastrukture;
- f) program podrške za osposobljavanje kadra za naučnoistraživački i istraživačko razvojni rad i za usavršavanje naučnika od interesa za Kanton; naučne i istraživačke kompetencije
- g) ostale odrednice koje se od značaja u kreiranju strategije i politike u nauci i naučnoistraživačkoj djelatnosti (period ažuriranja i redefiniranja ciljeva koji se žele doseći u narednom petogodišnjem periodu, program razvoja sistema naučnih informacija i objavljivanja dostignuća naučnoistraživačke djelatnosti, program učešća u međunarodnim naučnoistraživačkim i istraživačko razvojnim projektima i drugo).

III

Ekspertna radna grupa je obavezna da:

- a) tokom izrade dokumenta sarađuje sa Ministarstvom za nauku, visoko obrazovanje, Savjetom za nauku Kantona Sarajevo i konsultantima izabranim od strane UNDP-a;
- b) pripremi detaljan radni plan i metodološki pristup izradi prednacrtu Strategije;
- c) razvije sveobuhvatnu situacionu analizu;
- d) razvije ključne stratejske ciljeve i strateške programe,
- e) definiše Akcioni plan,
- f) finalizira radnu verziju prednacrtu Strategije i Akcionog plana provedenih putem e-konsultacija i radionica

IV

Zadatke iz tačke II ovog Rješenja radna grupa je obavezna završiti u roku od 120 dana od dana donošenja ovog rješenja.

V

Radna grupa u svom radu može po potrebi i za specifična pitanja iz domena zadataka iz tačaka II i III ovog rješenja, ministru/ici za nauku, visoko obrazovanje i mlade Kantona Sarajevo predložiti angažman eksternih članova.

VI

Nakon izvršenja zadataka iz tačke II i III ovog rješenja, Radna grupa je obavezna sačiniti izvještaj o radu i isti uz prateći dokument dostaviti ministru/ici za nauku, visoko obrazovanje i mlade Kantona Sarajevo.

VII

Gramatička terminologija za korištenje muškog i ženskog roda za pojmove u ovom rješenju uključuje oba roda.

VIII

Naknada za rad Ekspertne radne grupe utvrdit će se posebnim aktom ministrice.

IX

Ovo rješenje stupa na snagu danom donošenja.

Dostaviti:

- Predsjedniku i članovima Komisije (1-7)
- Sekretaru Komisije
- Ministarstvo za nauku, visoko obrazovanje i mlade KS

